

COLLEGIUM MEDICO-CURIOSI SPECIMEN IV.

Continuatio Proœmii præcedentis.

Sub Donis Animi Practicis, in Specimine III. enumeratis, (num. 6.) nominabatur strictim Peregrinatio, Experimentatori futuro utilis: pro quâ sic scribit Georgius Ent, Epist. dedic: in Harv. de Gen. Anim. (* 3 a) Nulla Gens tam barbara est, quæ non aut fortuitò, aut inevitabili quadam necessitate coacta, aliquid in usum communem adinvenerit, quod Nationes alias humaniores latuit. Et Peregrinatores Curiosi hi nominabantur: (a) Democritus; qui teste Æliano (lib. 4. cap. 20.) multas Terras adibat, & perveniebat ad Chaldæos, atq; in Babylonem, & ad Magos (Persiæ) & ad Sophistas Indos. Neander (d. Nat. Medic. pag. 34.) Rubrum Mare, Æthiopiam, Ægyptum addit. Nam qualis hodie est ratio Hominum Borealium, in Galliam aut Italiam proficiscentium; talis quondam erant Græcorum in Ægyptum. (b) Aristoteles: qui, quid in itinere cum Rege suo non vidit? Ac perhibetur de in Alexander M. Aristoteli pro describendis Naturis Animalium, subministratis omnibus sumptibus, præmium Laboris dedisse octingenta talenta, h. e. secundum quorundam computationem, Coronatorum Aureorum millia quadringenta octingenta; vid. Camerar. Cent. 1. Op. Subcis. c. 4. pag. 48. & C. 2. cap. 55. pag. 339. (c) Plinius: de cujus funesto ad Vesuvij Montis Incendium navigio, An. Ch. 82. suscepto, videri imprimis potest Sim. Majolus, Dier. Canic. Colloq. 16. pag. 371. (d) Galenus: cujus Itinera Medica recenset Neander (l. antè d. pag. 87.) refertq; Veslingius, (d. Opobals. pag. 43.) illum solâ Balsamigratiâ in Palestinam peculiariter transiisse. (e) Avicenna: cujus ex Persiæ & Arabiæ finibus Peregrinatio in Europam, ad audiendum Cordubæ Averrhoëm, Errorem quibusdam peperit, Avicennam fuisse Hispanum. (f) Ex recentioribus, Vesalius: qui sive Palestina studio, sive Religione ductus, Cyprum & Hierosolymam adiit, Pataviumq; à Venetis revocatus, Tempestate in Zancynthum ejectus, morbo ibi correptus, omniq; ope destitutus, miserè inter barba-